

թողեալ զսպառնանս, տպագրեցուցից զսաղմոսն առ ի սպառել զթուղթն անսխտանս: Վասն որոյ խնդրի ի Հայրութենէ քումմէ խոնարհաբար, զի եթէ ունիցի այս առաջադրութիւն զզնաս իմն՝ թէ հեռապէս և թէ մերձապէս քոյոյ Յարգելութեանդ՝ ծանուցես մեզ վազիւ¹, զի ի բաց հրաժարեցայց. իսկ եթէ չունիցի այսպիսի ինչ, ներեսցես մեզ առ ի ձեռնամուխ լինել. լինելով քո ողջ յաւէտագունիւ մաքրութեամբ ի պարծանս ստորև գրեցելոյ

Նուաստութեանս

Սարգիս Աբ Եպսկպս. Կես.

Յամի տեառն 1748
ՂԱպրիլի 1 [վ. ենետիկ]

ՃԻԲ.

Գերյարգեցելոյ Տեառն Տեառն Մխիթարայ Աբրայի վերստին Ողջոյն ընծայի հանդերձ յարգութեամբ

Ընկալեալ իմ զգիր Վսեմութեանդ՝ և ծանեայ զերկնակի փաստն բացասութեանդ առ ի տպագրել զսաղմոսն: Եւ մանաւանդ գլխինն փաստից, որ և դիտէր առ ի չլինիլն իմ հարկատրապէս մեղադրելի: Զոր ոչ գիտացի ո՛ր աղագաւ և յոր վայր լինիլ այս: Քանզի եթէ վարկանիցի լինիլ այս ի կոստանդնուպոլիս, այսպիսի վարկանումս է ի դերևս: Որովհետև զոյ նարդեանս անդ Գ տպագրատուն, որոց իւրաքանչիւրքն համայնգամայն տպագրեն հազարաւոր թուով զսաղմոսս թարց մեղադիրք լինելոյ իրերաց: Եւ բաց յայսմանէ, նաև մինչ ընկալնուն զ իբէն յաճախապէս տպագրեցեալսն, բնաւ երբէք ոչ են գտրտունջ ինչ արարեալ զքէն, այլ գրեթէ շնորհակալք լինին յաւէտ: Ուստի վարկեմ թէ և ըստ չափու արժողութեան՝ և զմեր տպագրեցելոյն լինիցէին շնորհակալք, և ոչ թէ մեղադիրք: Բայց զուցէ՝ աստանօր իցեն այնք մեղադրօք, այդ է բան այլ իմն հաշուոյ: Յաղագս որոյ որպէս յարգելութիւն քո անխայեցեր զիս առ ի չլինիլ մեղադրելի: Հանգունապէս հարկատրիմ և ես առ ի ծանուցանել Տեառնդ զփաստն իմ, յորմէ ստիպեցայ առ այս առաջադրութիւն, առ ի անմեղադրելի պահել զպատիւն մաքրագանութեանդ: Քանզի անձն ոմն յերևելեաց գրեալ էր ինձ ի Պօլսոյն մեծէ առ ի տպագրել վասն իւր զսաղմոսս, և ես ոչ մտաբերելով երբէք (թէ և պարտ իցէր) առ ի հարցանել Տեառնդ, թէ ունիցէ՛ր արդեօք այս գործ զզնաս իմն Հայրութեանդ, այլ միայն դիտելով առ այս՝ թէ այս է դիպուկ առիթ իմն վասն սպառելոյ զխափանեցեալ թուղթս իմ, գրեցի առ այն անձն՝ թէ ըստ ամենայնի յօժար եմ առ ի ծառայել, և աստուծով մերձ ընդ մերձ սկսանիմ ի տպագրել, որոյ վասն և պատրաստեցի զօմանս պիտոյս որքան առ տպագրութիւնն:

Ուստի եթէ այժմ՝ դարձուցեալ զբանս իմ գրեցից առ այն անձն, թէ արգելումն եղև գործոյն՝ այս ինչ և այն ինչ պատճառաւ, զուցէ թէ և նոքա շփոթեցեալք յայսմանէ, կամիցին ընդ մեղադրանօք արկանել զՊայծառ անունն Գերյարգելութեան քո, վարկելով յինքեանս թիրապէս՝ թէ սակս մարմնական շահու իցէ այս լեալ: Ուստի ծանուցանելով զայս դիպուած քոյոյ Հայրութեանդ, խնդրեմ անբասիրս առնել զմեզ այսոմ մասին, զի ես ոչ եմ եղեալ աստ առ ի տպագրել զսաղմոսս և զժամագիրքս: Վասն որոյ այս այսպէս ծանուցեալ գոլով, վերստին սպասեմք պատասխանւոյ Հայրութեանդ, պահելով ի մեզ ըստ ամենայնի գյարգումն և զհամարումն քոյդ երջանկութեան, որ և յաւէտ պայծառացիս երջանկութեամբ ի պարծանս Ազգի մերոյ, և ինձ իսկ զլիտվին

Որ եմ նուաստագոյն Ծառայ Տեառն

Սարգիս Աբ Եպսկպս. Կես.

Յամի Տեառն 1748
ՂԱպրիլի 3 [վ. ենետիկ]

1. Փութով.